

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
GRAD ZENICA  
GRADSKO VIJEĆE

PRIJEDLOG

OBRAĐIVAČ: Služba civilne zaštite

ODLUKA  
o osnivanju Profesionalne vatrogasne jedinice Grada Zenica

Zenica, juni 2022. godine

Na osnovu člana 62. i 64 stav (3) Zakona o zaštiti od požara i vatrogastvu („Službene novine Federacije BiH“, broj: 64/09), člana 58. stav (3) Zakona o zaštiti od požara i vatrogastva Zeničko-dobojskog kantona („Službene novine Zeničko-dobojskog kantona“, broj: 5/11), člana 50. stav (3) Odluke o organizovanju i funkcionisanju zaštite od požara i vatrogastva na području grada Zenica („Službene novine Grada Zenica“, broj: 6/22), i člana 21. tačka 2) Statuta Grada Zenica („Službene novine Grada Zenica“, broj: 5/15), na prijedlog Gradonačelnika, Gradsko Vijeće Zenica, na \_\_\_\_\_ sjednici održanoj \_\_\_\_\_ 2022. godine, donosi :

## **O D L U K U**

### **o osnivanju Profesionalne vatrogasne jedinice Grada Zenica**

#### **Član 1.**

U cilju osiguranja zaštite života i zdravlja građana i materijalnih dobara od požara na području grada Zenica, osniva se Profesionalna vatrogasna jedinica Grada Zenica ( u daljem tekstu: Profesionalna vatrogasna jedinica) u sastavu Službe civilne zaštite Grada Zenica, kojom rukovodi starješina Profesionalne vatrogasne jedinice.

#### **Član 2.**

Vatrogasna jedinica iz člana 1. osniva se kao četa na osnovu Procjene ugroženosti od požara i požarnim opterećenjem, Planom zaštite od požara i usklađena sa Uredbom o pravilima službe za profesionalne i dobrovoljne vatrogasne jedinice i vatrogasne jedinice pravnih lica («Službene novine FBiH», broj: 8/11), po kojoj vatrogasna četa u svom sastavu ima 2-4 voda, a što podrazumijeva najmanje 42, a najviše 83 vatrogasaca , tako da je, po svom brojčanom sastavu (ukupan broj vatrogasaca), tehničkoj i drugoj opremljenosti, sposobna da brzo i efikasno gasi požar.

#### **Član 3.**

Organizovanje i djelovanje, radno-pravni status vatrogasaca, vođenje evidencije, stručno osposobljavanje i usavršavanje profesionalnih vatrogasaca, mogućnost osnivanja ispostava u okviru jedinice i druga pitanja koja se odnose na funkcionisanje Profesionalne vatrogasne jedinice regulisano je članovima 49. do 54. Odluke o organizovanju i funkcionisanju zaštite od požara i vatrogastva na području Grada Zenica.

#### **Član 4.**

Unutrašnja organizacija i radna mjesta Profesionalne vatrogasne jedinice moraju biti u skladu sa Uredbom o uniformi, nazivima funkcija i funkcionalnim oznakama vatrogasaca u profesionalnim i dobrovoljnim vatrogasnim jedinicama, ovlaštenja starješina tih jedinica, zaštitnoj i radnoj odjeći i obući vatrogasaca («Službene novine FBiH», broj: 8/11), a regulisani u Pravilniku o unutrašnjoj organizaciji gradskih službi i sistematizaciji radnih mjesta državnih službenika i namještenika u službama i sektorima Grada.

#### **Član 5.**

U Budžetu Grada se obezbjeđuju sredstva za organizovanje, pripremanje, materijalno opremanje i stručnu obuku i osposobljavanje Profesionalne vatrogasne jedinice Grada.

#### **Član 6.**

Odluka stupa na snagu osmog dana od dana objavljivanja u Službenim novinama Grada Zenica.

Broj:-----  
Zenica;-----

**PREDSJEDAVAJUĆI  
GRADSKOG VIJEĆA ZENICA**

\_\_\_\_\_  
**Mirza Husetić**

## OBRAZLOŽENJE

### PRAVNI OSNOV

Pravni osnov za donošenje "Odluke o osnivanju Profesionalne vatrogasne jedinice ", propisan je Zakonom o zaštiti od požara i vatrogastvu („Službene novine Federacije BiH „ broj: 64/09) i Zakonom o zaštiti od požara i vatrogastvu ( „Službene novine Zeničko-dobojskog kantona, broj:05/11), Odlukom o organizovanju i funkcionisanju zaštite od požara na području Grada Zenica („Službene novine grada Zenica, broj: 6/22), kao i Zakonom o principima lokalne samouprave u Federaciji BiH („Službene novine FBiH“, broj: 49/06 i 51/09) i Statutom Grada Zenica („Službene novine Grada Zenica“, br: 5/15).

Odredbama člana 62. do 67. Zakona o zaštiti od požara i vatrogastvu FBiH („Službene novine Federacije BiH „ broj: 64/09) i člana 58. Zakona o zaštiti od požara i vatrogastvu („Službene novine zeničko dobojskog kantona, broj: 05/11), propisana je obaveza, pravo i dužnost Grada da osnuje vlastitu Profesionalnu vatrogasnu jedinicu, kao glavnu snagu, za gašenja požara i spašavanja ljudi i materijalnih dobara ugroženih požarom.

Također, propisan je i način prostornog razmještaja (ispostava vatrogasnih jedinica) u cilju što efikasnijeg djelovanja, kao i mogućnosti kadrovske i materijalne popune, odnosno formacijskim oblicima (veličine jedinice i sl.) ali i drugi uslovi neophodni za njeno formiranje i efikasno funkcionisanje.

U skladu sa članom 64. stav (3) Federalnog zakona, članom 58. stav (3) Zakona i članom 50. stav (3) Odluke o organizovanju i funkcionisanju zaštite od požara na području Grada Zenica, Odluku o osnivanju profesionalne vatrogasne jedinice općine odnosno grada donosi općinsko odnosno gradsko vijeće na prijedlog općinskog načelnika odnosno gradonačelnika.

### RAZLOZI DONOŠENJA ODLUKE

Stupanjem na snagu Federalnog zakona o zaštiti od požara i vatrogastvu i Zakona zaštitu od požara i vatrogastvu zeničko -dobojskog kantona, propisana je obaveza da kantoni, općine odnosno gradovi svoje postojeće propise iz oblasti požara i vatrogastva usklade sa odredbama Zakona.

Općina Zenica je 1989 godine osnovala Javno preduzeće „Centar za zaštitu od požara“ Zenica, koje je kao javno preduzeće obavljalo poslove iz oblasti zaštite od požara i vatrogastva sve do 2004 godine. Na sjednici Vijeća općine održanoj 3. juna 2004 godine vijeće je donijelo „Odluku o prestanku rada JP centar za zaštitu od požara“ Zenica i preuzimanju prava i obaveza. Odlukom je ostavljena obaveza donošenja posebne odluke o osnivanju profesionalne vatrogasne jedinice koja će biti u sastavu Službe civilne zaštite grada Zenica, a navedena odluka nikada nije donesena.

Zbog nepostojanja Odluke, zbog ispunjavanja zakonske obaveze te upotpunjavanja formalno pravne discipline u pogledu postojanja svih potrebnih akata Služba civilne zaštite kao obrađivač je pristupila pripremi Odluke i njenog usvajanja na Gradskom vijeću Grada Zenica.

Obzirom da se radi o jednostavnom pravnom aktu čije donošenje proizilazi iz zakonskih normi , a određene norme u pogledu regulisanja određenih pitanja se nalaze u Odluci o organizovanju i funkcionisanju zaštite od požara i vatrogastva na području grada Zenica smatramo da ovaj akt treba da se razmatra u formi prijedloga .

## **OBRAZLOŽENJE PRAVNIH ODREDBA**

Članom 1. se konstatuje osnivanje Profesionalne vatrogasne jedinice u sastavu Službe CZ sa kojim će rukovoditi Starješina Profesionalne vatrogasne jedinice

Članom 2. PVJ se definiše brojčani maksimalan broj Profesionalne vatrogasne jedinice , a koji je definisan pomenutom uredbom čl.2 ove Odluke

Članom 3 se reuliše pitanje organizacije, rada i područje djelovanja i dr pitanja u radu Profesionalne vatrogasne jedinice

Članom 4. je regulisano usklađivanje unutrašnje organizacije i radnih mjesta u skladu sa propisima

Članom. 5 je regulisano pitanje obezbjeđenje finansijskih sredstava za uspješno djelovanje Profesionalne vatrogasne jedinice

Za provođenje ove Odluke osiguravaju se potrebna sredstva u budžetu Grada Zenica.